

BOSNA I HERCEGOVINA

БОСНА И ХЕРЦЕГОВИНА



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KTK 0021088 21  
Sarajevo, 15.01.2024. godine

SUD BOSNE I HERCEGOVINE  
S A R A J E V O  
-Sudiji za prethodno saslušanje-

Na osnovu člana 35. stav (2) tačka i), te člana 226. stav (1) i 227. Zakona o krivičnom postupku Bosne i Hercegovine (ZKP BiH), p o d i ž e m:

**OPTUŽNICU**

Protiv:

**HALILOVIĆ NIJAZA,** [redacted] rodenog  
1973. godine, [redacted] iz Goražda, [redacted]  
[redacted] državljana  
BiH, [redacted]

**MIJOVIĆ ĐORĐA,** [redacted] rodenog  
1991. godine, [redacted] iz Istočne Ilidže, [redacted]  
[redacted] državljana BiH, [redacted]

## Što su:

Dana 26.08.2021. godine, oko 10:45 sati na Međunarodnom graničnom prelazu Hum, opština Foča, u svojstvu službenih lica u institucijama Bosne i Hercegovine, kao policijski službenici Granične policije BiH, raspoređeni u Jedinicu Granične policije (JGP) Hum, i to Nijaz Halilović, kao vođa tima na graničnom prelazu i Đorđe Mijović raspoređen na poslovima policajca za graničnu kontrolu, s pravima i obavezama koje proizlaze iz ovlaštenja propisanih Zakonom o Graničnoj policiji BiH („Službeni glasnik BiH“, broj: 50/04, 27/07 i 59/09), Zakonom o policijskim službenicima BiH („Službeni glasnik BiH“, broj: 27/04, 63/04, 5/06, 58/06, 15/08, 63/08, 35/09 i 07/12) i Zakonom o graničnoj kontroli („Službeni glasnik BiH“, broj: 53/09, 54/10 i 47/14), u cilju pribavljanja protivpravne imovinske koristi za sebe, i to Đorđe Mijović, prilikom vršenja granične kontrole putnika autobusa – minibusa marke „Mercedes“ prevoznice firme [REDACTED], nacionalnih registarskih oznaka Republike Crne Gore broj: [REDACTED], kojim je u trenutku kontrole upravljalo lice [REDACTED], na ulazu u Bosnu i Hercegovinu iz pravca Republike Crne Gore, nakon što je utvrdio da putnik [REDACTED], nosilac putne isprave Republike Albanije, ne posjeduje niti jedan dokaz naveden u Odluci o propisivanju dodatnih uslova za ulazak stranaca u BiH („Službeni glasnik BiH“, br. 57/2020, 58/2020, 36/2021 i 28/2022) donesenoj od strane Vijeća ministara BiH, usvojenoj na 39. sjednici Vijeća ministara BiH i to alternativno postavljenih uslova: negativan nalaz PCR testa ili brzog antigenskog testa na virus SARS-CoV-2 koji nije stariji od 48 sati ili potvrda o vakcinaciji ili potvrda izdata od ljekara da je lice prebolilo bolest COVID-19, nakon čega je navedenom putniku dozvolio izlazak iz autobusa i ulazak u službene prostorije Granične policije BiH na MGP Hum u kojima se nalazio Nijaz Halilović, kojom prilikom je Đorđe Mijović usmenim putem informisao Nijaza Halilovića o trenutnom statusu putnika [REDACTED], nakon čega su oba policijska službenika Granične policije BiH, koristeći se prethodnim saznanjem da putnik [REDACTED] ne ispunjava propisane dodatne uslove za ulazak stranaca u BiH, postupili suprotno članu 3. Konvencije UN-a protiv korupcije (UNCAC), članu 19. stav d) Zakona o strancima („Službeni glasnik BiH“ broj 88/15), članu 8. Pravilnika o ulasku i boravku stranaca („Službeni glasnik BiH“ broj 25/216) i članu 2. stav a), b), c) Odluke o propisivanju dodatnih uslova za ulazak stranaca u BiH („Službeni glasnik BiH“ broj 36/21), pa su znajući za navedeno, a u cilju da pribave protivpravnu imovinsku korist, od putnika [REDACTED] zahtjevali i primili dar u vidu novca u iznosu od 20,00 EUR da ne izvrše radnju koju su bili obavezni izvršiti i navedenog putnika uputili u toalet, čiji se ulaz nalazi sa bočne strane službenih prostorija Granične policije BiH na Međunarodnom graničnom prelazu Hum, kako bi isti ostavio novac u iznosu od 20,00 EUR u unutrašnjost toaleta na policu iznad vodokotlića i pokrio novac toaletnim papirom, što je putnik [REDACTED] i učinio, a koji novac je prilikom pretresa pronađen kod Nijaza Halilovića i od istog privremeno oduzet, te na taj način licu [REDACTED] omogućili ulazak u BiH, odnosno nisu postupili shodno odredbama Zakona o strancima i putniku [REDACTED] izdali rješenje o odbijanju ulaza na teritoriju BiH usljed neispunjavanja dodatnih uslova za ulazak stranaca u BiH a što su morali uraditi.

**Dakle, Mijović Đorđe i Halilović Nijaz**, kao službena lica u institucijama BiH zahtjevali i primili dar u vidu novca za sebe da u okviru svoje funkcije propuste izvršiti što bi morali izvršiti,

**Čime su** počinili krivično djelo „Primanje dara i drugih oblika koristi“ iz člana 217. stav (1) Krivičnog zakona BiH u vezi sa članom 29. KZ BiH.

**TUŽILAC TUŽILAŠTVA  
BOSNE I HERCEGOVINE**

---

---

Tužilstvo-Tužiteljstvo Bosne i Hercegovine, Sarajevo, Ul. Kraljice Jelene br.88  
Telefon: ++ 387 33 483 700; Fax ++ 387 33 483 840; e-mail: [info@tuzilastvobih.gov.ba](mailto:info@tuzilastvobih.gov.ba)